

Powšitkowne WOZJEWJENJA

njedźelu, 3. nowembra 2019

Eksercicije za Serbow – „Što nas wozboža?“

Za serbske eksercicije wot pjatka, 8. nowembra, wječora hač do njedzele, 10. nowembra, měli so pak w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10, pak w Chróścicach na farje, telefonowe čisło (03 57 96) 80 40 22, přizjewić. Hesło dnjow rěka „Što nas wozboža?“.

Prěnjowoprawjenske džěci přeprošene

Dekanatne dušepastyrstwo přeprošuje wšitke džěci, kotraž so na přenje swjate woprawjenje přihotuja, na zhromadny dzeń pod hesłom „Cool kadla – fecich holca“ srjedu, 20. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do wutory, 5. nowembra, pod telefonowym čisłom (03 57 96) 8 87 07 abo z mailku worklecyc-kise@gmx.de we Worklecach přizjewja. Za wudawki dnja zběra so wot kóžděho wobdźělnika přinošk we wysokosci štyrjoch eurow.

Dalekubłanje rěčnikow nabožneho słowa

Na Chróšćanskej farje přewjedže so sobotu, 9. nowembra, wot 9 do 12 hodź. dalekubłanje za wšěch, kotřiž nabožne słowo k dnjej w Serbskim rozhłosu rěča. Wone wobshahuje rěčne zwučowanja z logopedowku, zwučowanja z mikrofonom kaž tež džěto z tekstami, při čimž póndže wo spisanje, jadriwosć, žórła a dalše.

Doporučeny film „Das größte Geschenk“

W dokumentarnym filmje „Das größte Geschenk“ z lěta 2018 zaběra so španiski režiser Juan Manuel Coteló z temu, kotraž wšitkich potrjechi – wodawanje. Maćerje, nanojo, wudowy, syroty, masowy mordar a jeći rozprawjeja na jimace wašnje, kak móžeš wodać. Film pokazaja tutu njedźelu, 3. nowembra, w 17.30 hodź. w Drježdźanskim kulojnym kinje Cineplex. Cyrkej film doporuča.

Serbske kemše w Drježdźanach

Drježdźanscy Serbja, jich přiwuzni a přećeljo su na maćernorěčnu Božu mšu z farjom Gabrišom Nawku njedźelu, 10. nowembra, w 16.00 hodź. do cyrkwy swjateho Antonija w Drježdźanach-Löbtauwje, Bünauska dróha 10, přeprošeni. Po kemšach sčěhuje serbska bjesada w tamnišej wosadnicy.

„Serbski rekwiem“ w Ketlicach

Za předstajenje „Serbskeho rekwiema“ Korle Awgusta Kocora njedźelu, 10. nowembra, w 16 hodź. w Ketlicach móža sej zajimcy hižo zastupne lisćiki kupić. Tute předawaja na tamnišej kaž tež na Lubijskej ewangelskej farje, w Lubijskej měšćanskej informaciji a w tamnišim wobchodze Keßner. Korla Awgust Kocor (1922–1904) je w Ketlicach jako wučer a organist skutkował a tam tež zemrěl.

Mandželski seminar

Přizjewjenja za přihot na sakrament mandželstwa wot pjatka do soboty, 29. nowembra do 30. nowembra, přijimuju so pisomnje hač do srjedy, 6. nowembra, w Dekanatnym dušepastyrstweje we Worklecach. Formulary k tomu su w cyrkwjach wupožžene.

Dalši serbski žarowanski kruh

Žarowanskaj přewodźerjej Regina Krawcowa ze Smječkec a Tomaš Pěčka ze Ser-njan poskićataj zhromadnje z dr. Ludmilu Lajderowej z Drježdžan po lońšim za-zběhu dalši serbski žarowanski kruh. Přenje zetkanje budže štwórtk, 7. nowem-bra, w 17.00 hodž. w Chróšćanskej putniskej hospodže. Dalše termíny su stajnje tři njedžele pozdžišo. Předwidžane je, zo so tutón kruh hač do spočatka apryla wosom króc zetka. Zajimcy měli so pod telefonowym čislom (01 74) 7 01 94 87 přizjewić.